

hei hikoinga i tetahi hikoi, hei akinga mai i te rau tangata hei maru mo te take ki te araro o te Kawanatanga, hei whakakenga mo te take ki runga i tetahi ngaru waimarie. E kore e taea te tohutohu i roto i tenei panui te ahua o te whakahaere o ena momo take. E rite ana tera mahi ki te whakaterere waka, kei roto tonu i te hinengaro o te tangata hapai i te hoe whakaterere te ngakau mahara ki te mahi e rite ana mo tena wa, mo tena wa.

Tuzono: Kua e moumoutia nuitia te moni mo tenei hanga mo te pitihana. Kei pohehe te iwi utu ai ano nga kai-pitihana ki nga Mema mo te whakahaerenga i a ratau pitihana. Kei te utua ra te mema ki toia utu-a-tau. Kia tupato hoki i nga kai-whakahaere, e ahu ana mai kia koutou whakato ai i te tumana-ko, ma te pitihana ka ora mai ai nga mate tawhito. Ko te wahi tonu eua ratau ta ratau e whakarawe ai. He pai te ata whaka-kaupapa e te iwi te ahua o to ratau mate, ka tuku kia whiri-whiria mai e te Mema, a mana te kupu mai kia pitihanatia, ka marama te haere.

Ko enei kupu tohutohu e tika ana kia whakaarotia nuitia e koutou; he tohutohu i kitea i roto i oku tau tekau-ma-waru ki roto ki te Paremata; he tohutohu e homai takitahi ana e au ki nga ope tae ake ki Poneke.

4.—NGA ROPU TAKIWA.

E HARA i te mea kotahi tonu te Kawanatanga e whakahaere nei i te ture, i nga mahi ranei o te Tominiona. Kaore, he maha noa atu. Kei raro iho i te Kawanatanga nui nga Kawanatanga ririki, maha noa atu. I takea nai o ratau mana, o ratau tuunga te kaha o a ratau tikanga, nga huarahi moni i taea ai te whawha tenei mahi, tera mahi, i takea mai i nga ture e hangaia ana e te Paremata. Ko te matapuna tera o nga mana o aua Kawanatanga ririki.

Kei nga taone nunui ko ona Kaunihera, e kiia nei ko nga City Council. Ano ko ratau te mana motuhake i roto i te rohe o aua taone. Ia ratau e whakahaere ana i a ratau tikanga katoa i roto i nga rohe i whakatakotoria e te ture mo ratau, kaore ratau e whaikuputia atu e te Kawanatanga, e kore hoki te Kawanatanga e kaha, e whaimana ranei ki te whakahe atu i a ratau mahi. E wehi ana hoki te Kawanatanga i etahi wa i nga Kaunihera o nga taone nunui penei i to Akarana, i to Poneke, i to Karaitiati (Otautahi, i to Dunedin, Otepoti). I wehi ai, he nui no nga tangata o aua taone, he kaha no o ratau mana pooti mema Paremete. Otira ko te Paremata ano hei whaikupu ina kitea kei te taimaha nga whakahaere a te Kaunihera ki te iwi. Ka taea e te Paremata te whakarereke te ture, te whawhati mai tetahi peka o nga mana o te Kaunihera, kia rite ai ki te hiahia o nga iwi e noho ana i taua taone.

Na, ko nga awa, ko nga waapu, ko nga taha moana o nga awa nunui o enei motu kei raro i etahi Poari, e kiia nei he